



24 Setembru 2021

Mensajen husi Embaixadór Austrália ba Timor-Leste, **Peter Roberts**



Desde ami nia bulletin ikus liu fulan ida liubá, Timor-Leste luta kontra laloran daruak (no aat liu) infesaun COVID-19 desde inísiu pandemia ne'e, impulsiona husi variante Delta.

Iha 24 Agostu, ami haree ona número kazu ne'ebé aas tebes iha úniku loron ida (532) no triste tebes haree número ema lakon vida aumenta durante fulan ida ikus ne'e. Ha'u hato'o ha'u nia kondolénsia ba família sira ne'ebé lakon ema ne'ebé mak sira hadomi.

Maibé luta ne'e kontinua no agora porsentu 30 resin husi Timor-Leste nia populasaun elijível (idade 18 ba leten) hetan vasina kompletu ona – susesu ne'ebé fantástiku tebes iha tempu badak nia laran. Iha Dili número ne'e aumenta ba porsentu 60 resin no ema idak-idak tenke sente orgullo ba progresu ne'ebé mak atinji to'o agora.

Iha fulan liubá, Australia halo ona:

01

Fo benvindu ba Ekipa Asisténsia Médika Australianu (Sigla Inglés: AUSMAT) ne'ebé mak to'o ona iha Timor-Leste. Ne'e hanesan ekipa daruak husi espesialista médiku sira ne'ebé mak to'o iha tinan ne'e no membru sira apoia hela Ministériu Saúde hodi fornese kuidadu kritiku ba pasiente COVID-19 sira, haforsa esforsu husi ekipa médiku sira iha facilidade izolamentu Vera Cruz no Lahane no Ospital Nasional. Ha'u sente onradu hodi akompaña ekipa ne'e bainhira foin dadaun ne'e hato'o rezumu badak ba Primeiru-Ministru Taur Matan Ruak kona-ba sira nia atividade, foka liu ba serbisu maka'as husi Timor-Leste nia profisional saúde sira durante pandemia.

02

Fornese konsentrado oxijéniu 30 no sasán terapia sira husi Austrália, hodi apoia Ministériu Saúde nia resposta kuidadu kritiku ba tratamento kazu grave COVID-19. Austrália orgullu hodi kontinua nia kontribuisaun ba sasán médiku salva vida nian iha Timor-Leste nia luta kontra COVID-19.

03

Partisipa iha ezersísiu defeza multinasionál Hari'i Hamutuk. Maski obastaklu COVID-19, ezersísiu ne'e la'ho susesu bo'ot, ho soldadu hamutuk na'in 210 husi nasaun 5 hala'o treinamento espesialista no konstrusaun iha Metinaro, Hera, Baucau no Tilomar.

Iha inísiu semana ne'e iha 20 Setembru, ita marka ona aniversáriu destakamentu INTERFET (Força Intrenasional ba Timor-Leste) ba dala 22. Ami orgullu ho ita nia parseria, antes no agora, enkuantu ita serbisu hamutuk hodi duni rejiaun ne'ebé mak estável no prósperu.



Jenerál Dom Peter Cosgrove halo diskuru iha vizita mai Dili iha 2019.



04

Kontinua prioriza edukasaun liuhusi parseria ho Ministériu Edukasaun, Juventude no Desportu hodi implementa faze foun programa ALMA iha Manatuto no Liquiça. Ne'e inklui fornese tabuleta eletrónika ba líder eskola sira hodi hadi'ak komunikasaun no asesu ba material kuríkulu, hamutuk ho forma saun – dezeňu sira ne'e hotu hodi tulun hadi'ak kualidade hanorin nian.

05

Avanza serbisu hamutuk ho PNTL hodi avalia kapasidade Postu foun Polísia Marítima nian no hahú adaptasaun laboratóriu Polísia Forensik foun liuhusi ami nia Programa Dezenvolvimentu Polísia. Apoia kapasidade PNTL nia forensik sei fornese rezultadu investigativu di'ak liu no apoia vítima krime sira liuhusi tékniku identifikasiasaun evidénsia ne'ebé mak hadi'a ona.

06

Mantein envolvimentu bilaterál nível altu inklui iha nível líder sira. Iha telefone ida iha fulan Agostu, Austrália nia Ministra Estranjeiru Marise Payne no ninia kolega Ministra Estranjeiru no Kooperasaun Adaljiza Magno konversa kona-ba ita-nia rekuperasaun ekonómiku hamutuk husi pandemia, no apoia ba aselera Timor-Leste nia implementasaun vasina ho doze vasina COVID-19 hamutuk 577,000 resin to'o agora ne'ebé mak fornesidu husi Austrália. Austrália sei kontinua apoia Ministériu Saúde tanbá implementasaun importante ne'e kontinua iha rai laran tomak.



Atu nafatin atualiza ho informasaun tuir mai, tuir ami nia página Facebook 'Australia in Timor-Leste'. Ita bele hetan ami nia boletín nia edisaun antigua sira iha ami nia sítio internet.